



Broj: 07-19-1793/26  
Travnik, 02.06. 2026.godine

Na osnovu člana 48. Zakona o zaštiti okoliša ("Službene novine Federacije BiH", br. 15/21), člana 9. stav (1) i 11. stav (1) Uredbe o strateškoj procjeni utjecaja strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", br. 12/25), ministar Ministarstva za prostorno uređenje, građenja, zaštite okoliša, povratka i stambenih poslova Kantona Središnja Bosna donosi:

## ODLUKU

### o provođenju strateške procjene uticaja na okoliš za Plan upravljanja otpadom Kantona Središnja Bosna

#### I.

Donošenjem ove Odluke započinje provođenje strateške procjene utjecaja na okoliš Plana upravljanja otpadom Kantona Središnja Bosna (u daljem tekstu: Plan).

#### II.

Nosilac pripreme Plana iz tačke I ove Odluke je *Ministarstvo za prostornog uređena, građenja, zaštite okoliša, povratka i stambenih poslova* KSB (u daljnjem tekstu: Ministarstvo), a Federalno ministarstvo okoliša i turizma je nadležno ministarstvo za provođenje postupka strateške procjene.

#### III.

Donošenje Plana iz tačke I. ove Odluke propisano je članom 9. Zakona o upravljanju otpadom ("Službene novine Federacije BiH", broj 33/03, 72/09, 92/17 i 72/24 - u daljnjem tekstu: Zakon). Plan je provedbeni dokument Strategije upravljanja otpadom Federacije BiH i donosi se na period od pet godina. Plan donosi Sabor/Skupština KSB i objavljuje se u "Službenim novinama Kantona Središnja Bosna".

Cilj izrade Plana je izrada dokumenta koji će dati pregled postojećeg stanja u oblasti upravljanja otpadom, te jasne smjernice za uspostavu održivog integralnog sistema upravljanja otpadom na području Kantona Središnja Bosna, kao dio jedinstvenog integralnog sistema upravljanja otpadom na nivou FBiH, koji se treba bazirati na načelima održivog razvoja i to na principima izbjegavanja, vrednovanja (materijalno i energetsko) i odstranjivanja otpada za period od pet godina.

Plan treba obuhvatiti izvore, tokove, količine generisanog otpada po vrsti, trenutni sistem prikupljanja, transport i tretman sa jasno prikazanim trenutnim kapacitetima i potrebama, kapacitete za odlaganja otpada, uvjete koji odlagališta zadovoljavaju (odnosno prijedlog rješavanja onih koja iste ne zadovoljavaju), aktere u sistemu upravljanja otpadom, kao i uočenim problemima u postojećem sistemu upravljanja otpadom.

Obzirom na realizaciju određenih aktivnosti predviđenih postojećim Planom upravljanja otpadom na području Kantona Središnja Bosna 2015-2025, nastalih okolnosti u pojedinim dijelovima kantona, a prvenstveno zbog potrebe usklađivanja sa strateškim dokumentima na federalnom nivou u oblasti upravljanja otpadom, potrebno je izraditi novi Plan u smislu iznalaženja novih rješenja, odnosno strateških pravaca, oko kojih se trebaju složiti svi relevantni organi u općinama i na temelju kojeg će se planirati aktivnosti i ulaganja u sektor upravljanja otpadom.

IV.

Radnje koje će se provesti u postupku strateške procjene uticaja na okoliš Plana provode se u skladu sa Zakonom o zaštiti okoliša ("Službene novine Federacije BiH", broj 15/21) i Uredbom o strateškoj procjeni uticaja, strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", broj 12/25), okvirnim redoslijedom provođenja kako je utvrđeno u Prilogu I. ove Odluke.

V.

U postupku strateške procjene uticaja Plana na okoliš prema ovoj Odluci učestvovati će organi navedeni u Prilogu II. ove Odluke.

VI.


Ministarstvo je dužno osigurati informiranje i učešće javnosti u skladu sa odredbama Zakona o zaštiti okoliša ("Službene novine Federacije BiH", broj 15/21) i Uredbe o strateškoj procjeni uticaja, strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", broj 12/25).

VII.

Ova odluka stupa na snagu danom donošenja.

Dostavljeno:

- 1 x Federalno ministarstvo okoliša i turizma
- 1 x Web stranica Vlade KSB/SBK
- 1 x a/a



## PRILOG I

### **Okvirni redosljed radnji koje će se provesti u postupku strateške procjene utjecaja na okoliš Plana upravljanja otpadom *Kanton Središnja Bosna* za period od 5 godina:**

1. Nakon pripreme ove Odluke, Ministarstvo Odluku postavlja na službenu internet stranicu Vlade KSB/SBK u cilju informiranja javnosti i zainteresirane javnosti o pitanjima zaštite okoliša.
2. Na osnovu Odluke o provođenju strateške procjene Ministarstvo započinje postupak odabira nosioca izrade strateške studije i donosi odluku o izboru nositelja izrade strateške studije.
3. U postupku određivanja sadržaja i obima strateške studije, Ministarstvo će u saradnji sa nositeljem izrade strateške studije izraditi nacrt odluke o sadržaju i obimu strateške studije nakon čega će od javnosti i zainteresiranih organa i organizacija koji su navedeni u Odluci o provođenju strateške procjene, pribaviti mišljenje o nacrtu odluke o sadržaju i obimu strateške studije koja sadrži podatke koji se moraju obraditi u poglavljima strateške studije. Javnost i zainteresirani organi i organizacije dužni su dostaviti mišljenje Ministarstvu u roku od 15 dana od dana zaprimanja zahtjeva za davanje mišljenja. Ako mišljenje ne bude dostavljeno u propisanom roku, smatrati će se da nema dodatnih zahtjeva vezanih za zaštitu okoliša koje je potrebno uvažiti u nacrtu odluke o sadržaju i obimu strateške studije.
4. Ministarstvo je dužno, u svrhu usaglašavanja mišljenja o sadržaju i obimu podataka koji se moraju obraditi u poglavljima nacrta strateške studije i utvrđivanja konačnog sadržaja strateške studije, osigurati konsultativni sastanak, na kojem su prisutni predstavnici zainteresovanih organa i organizacija i javnosti koji su dostavili primjedbe na nacrt odluke o sadržaju i obimu strateške studije, nositelj izrade strateške studije i nositelj izrade Plana.
5. Ministarstvo, nakon provedenog konsultativnog sastanka, donosi odluku o sadržaju i obimu strateške studije i informira javnost objavljivanjem te odluke na svojoj službenoj internet stranici.
6. Ministarstvo dostavlja nositelju izrade strateške studije odluku o sadržaju i obimu strateške studije, koji započinje izradu nacrta strateške studije kada mu nosilac izrade Plana osigura dovoljno podataka na osnovu kojih se može početi sa izradom nacrta strateške studije.
7. Ocjenu nacrta strateške studije vrši komisija za ocjenu strateške studije iz člana 56. Zakona o zaštiti okoliša ("Službene novine Federacije BiH", broj 15/21 ). Federalno ministarstvo odmah po donošenju rješenja o imenovanju dostavlja na ocjenu komisiji nacrt strateške studije uz koji prilaže i nacrt Plana u skladu sa poslovníkom o radu komisije. Komisija daje ocjenu nacrta strateške studije u roku od 30 dana od dana zaprimanja dokumentacije. Ovaj rok za ocjenu strateške studije se može produžiti za još maksimalno 30 dana.
8. Ako komisija utvrdi da je nacrt strateške studije cjelovit i stručno utemeljen, komisija na prvoj sjednici donosi konačnu ocjenu nacrta strateške studije, u obliku izvještaja. Kada komisija na prvoj sjednici predloži da se nacrt strateške studije dopuni, odnosno doradi, Federalno ministarstvo će zatražiti od nosioca izrade strateške studije da izvrši dopunu, odnosno doradu strateške studije. Rok za dopunu odnosno doradu ne može biti duži od 15 dana. Komisija, nakon što utvrdi da je strateška studija potpuna i stručno utemeljena, daje usaglašenu, konačnu ocjenu nacrta strateške studije u roku od 15 dana od dana zaprimanja dopunjenog nacrta strateške studije. Federalno ministarstvo na osnovu konačne ocjene nacrta strateške studije izrađuje izvještaj o konačnoj ocjeni nacrta strateške studije koji sadrži načine na koje pitanja zaštite okoliša moraju biti integrirana u Plan i dostavlja ga nosiocu izrade Plana. Nosilac izrade Plana je sve prijedloge zaštite okoliša i prijedloge plana provođenja i praćenja stanja okoliša dužan ugraditi u nacrt Plana prije početka postupka javnih konsultacija iz čl. 21 . do 25. Uredbe o strateškoj procjeni uticaja, strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", broj 12/25).
9. Nakon donošenja izvještaja o konačnoj ocjeni nacrta strateške studije, Ministarstvo osigurava učešće javnosti u postupku razmatranja nacrta strateške studije i nacrta Plana, te dostavlja

zainteresiranim organima i organizacijama nacrt Plana i nacrt strateške studije što se vrši u skladu sa odredbama Zakona o zaštiti okoliša ("Službene novine Federacije BiH", broj 15/21) i odredbama Uredbe o strateškoj procjeni uticaja, strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", broj 12/25).

10. Ministarstvo posredstvom Federalnog ministarstva će po utvrđenom mogućem prekoentitetskom i prekograničnom uticaju Plana postupiti u skladu sa odredbama Zakona o zaštiti okoliša ("Službene novine Federacije BiH", broj 15/21) i odredbama Uredbe o strateškoj procjeni uticaja, strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", broj 12/25) i informirati javnost.
11. Ministarstvo organizira javnu raspravu na nacrt strateške studije i nacrt Plana. Nakon provedenih konsultacija sa zainteresiranim organima, organizacijama i javnosti u javnoj raspravi, Ministarstvo sva mišljenja, primjedbe i prijedloge dostavlja na očitovanje nosiocu izrade strateške studije i nosiocu izrade Plana. U skladu s članom 26.stav (2) Uredbe, nositelj izrade strateške studije i nositelj izrade plana u dogovoru sa Ministarstvom izrađuju izvještaj o javnim konsultacijama u roku ne dužem od 30 dana od dana završetka konsultacija, koji Ministarstvo objavljuje na svojoj službenoj internet stranici. Nosilac izrade strateške studije i nosilac izrade Plana donose usaglašeno mišljenje o konačnim obavezujućim mjerama zaštite okoliša.
12. Prije upućivanja prijedloga Plana u postupku donošenja, Ministarstvo je obvezno pribaviti mišljenje Federalnog ministarstva o provedenoj strateškoj procjenu utjecaja Plana na okoliš.
13. Nakon pribavljenog mišljenja, prije utvrđivanja prijedloga Plana Ministarstvo je dužno izraditi izvještaj o provedenoj strateškoj procjeni, a o donesenom izvještaju i Planu Ministarstvo obavještava javnost, zainteresirane organe i organizacije, druge organe koji su učestvovali u postupku strateške procjene i konsultacija, odnosno mišljenja druge države ako su vršene, sa naznakom internet lokacije na kojoj su objavljeni dokumenti iz člana 28. stav (4) Uredbe o strateškoj procjeni uticaja, strategije, plana ili programa na okoliš i obimu, sadržaju i ocjeni strateške studije ("Službene novine Federacije BiH", broj 12/25) i datumom objavljivanja.

## PRILOG II

### Lista zainteresiranih organa i organizacija koji će sudjelovati u postupku strateške procjene:

1. Ministarstvo privrede KSB/SBK,
2. Ministarstvo poljoprivrede, vodoprivrede i šumarstva KSB/SBK,
3. Ministarstvo obrazovanja, nauke, kulture i sporta KSB/SBK,
4. Ministarstvo zdravstva KSB/SBK,
5. Kantonalna uprava civilne zaštite KSB/SBK,
6. Kantonalni zavod za urbanizam i prostorno uređenje KSB/SBK,
7. JP Šumsko-privredno društvo KSB/SBK,
8. Savez općina i gradova Federacije BiH,
9. Regionalna deponija Mošćanica Zenica,
10. Kantonalni zavod za javno zdravstvo Travnik,
11. Općina Bugojno,
12. Općina Busovača,
13. Općina Dobretići,
14. Općina Donji Vakuf,
15. Općina Fojnica,
16. Općina Gornji Vakuf-Uskoplje,
17. Općina Jajce,
18. Općina Kiseljak,
19. Općina Kreševo,
20. Grad Novi Travnik
21. Općina Travnik,
22. Općina Vitez,
23. Agencija za vodno područje rijeke Save Sarajevo,
24. Udruženje „EKO BU“ Bugojno
25. Udruženje „Kremenik“ Vitez
26. Udruženje „ZELENI RAST“ Kiseljak
27. Federalno ministarstvo poljoprivrede, vodoprivrede i šumarstva,
28. Federalno ministarstvo prostornog uređenja,
29. Federalno ministarstvo kulture i sporta.

